

حقوقی بیکیں۔ مجموعہ سی

ہر ایک اون بشندہ نشر اولئور

مراد مخصوصه

ماده

ایضاح

مدت

وسرو

۵۷۸ اشبو قانون مکتسب حقیری اخلال ایتماک شرطیه
ماقبله شاملدر . بوقانونده تعیین ایدلش اولان مدتلر ایچنده
استعمال ایدلمه یین حقلر آرتق استعمال اولنه ماز . شوقدر که
هنوز مدتی ایچنده بولونان علاقهدار . بوقانونک نشری
کونسندن اعتباراً بوقانونده کی مدتلر ایچنده حقیرینی
استعمال ایده بیلیر .

۵۲

۵۸۰ حقوق اصول محاکمه لری قانونی نشری تاریخندن اوچ
آی مرورندن اعتباراً مرعیدر .

۵۳ اوچ آی

آووقت

نورالیه

CHRONIQUE

شُرُون

تجارت وکالتی طرفندن منصوب قومیسرل معرفتیه مراقبه ایدیه جک اولان یرلی آنونیم ، لیتید
و قوئو پراتیف شرکتلرک صورت مراقبه لریله قومیسرلک وظائفی حقنده تجارت وکالت جلیله سی طرفندن
تنظیم و هیئت وکیلک ۲۳ مارت ۹۲۷ تاریخی اجتماعنده تصویب اولنان تعلیماتنامہ یی عالم تجارتی علاقهدار
ایدر ملاحظه سیله درج ایدیورز :

ماده ۱ — یرلی آنونیم ، لیتید و قوئو پراتیف شرکتلر حقنده موضوع قوانین
ونظاماتک انفاذ احکامی و مواد آئیده تصریح اوله جق خصوصاتی مراقبه ایتمک اوزره
علاقهدار وکالتلرجه مذکور شرکتلر نزدیکه قومیسرلر بولندیریلور . امتیازی شرکتلرک
مراقبه سی تعلیماتنامہ مخصوصه لرینه توفیقاً امتیازی اعطا ایدن وکالتلرجه مأمور ایدیه جک
قومیسرلر معرفتیه اجرا ایدیه جکی کی اشبو قومیسرلر کرک تأسیس کرک عادی و فوق العاده
حصه داران هیئت عمومیہ اجتماعلرندہ حکومت قومیسری اولق اعتباریه تجارت وکالتی
تمثیل ایدرلر و بو قومیسرلر راپورلرینی ایکی نسخه اوله رق تنظیم ایدوب برر نسخه سی
تجارت وکالتنه ویرلر .

ماده ۲ — قومیسرلر شرکتلرک تأسیس هیئت عمومیه لریله هادی و فوق العاده حصه داران هیئت عمومیه لریده و حصه سنداتی آمورتیسمانلری اجتماعلریده حاضر بولنه جقلردر و فقط هیئت اداره اجتماعلریده بولنیه جقلردر .

ماده ۳ — قومیسرلر شرکتلرک قانوناً طومتفه مجبور اولدقلری اوراق و دفاترک موجود اولوب اولمادیغنی تدقیق ایتک حقی حائز اولوب بو اوراق و دفاترک محتویاتی تدقیق ایدمه جکلردر . آنجق هر هانجی بر شکایت و یا کوریهلجک لزوم اوزرینه بر مسئله نك تحقیق ایجاب ایتدیکی حالده طوغریدن طوغری به علاقهدار و کاتلره مأمور ایدمه جکی قومیسر اومسئله به متعلق بالعموم قیود و اوراقی تدقیق ایدمه بیلیر . بو تقدیرده شرکتلرک مجلس اداره اعضالری اشبوتعلیاتنامه نك یدنجی ماده سی موجبجه بخش ایدیلن صلاحیتدن استفاده ایدمه مزلر .

ماده ۴ — قومیسرلر نزدنده بولندقلری شرکتده فوق العاده بر حال حدوشنده درعقب بر راپورله کیفیتی مربوط اولدقلری مدیرته بیلدیرمهک مجبور اولغله برابر صورت عمومیه ده آلتی آیده بر شرکتک وضعیت عمومیه سی کوستر بر راپور تنظیم ایدمه جکلردر . سنه لک راپورلر شرکتک بالعموم تشبثات و فعالیت و اشکال مساعیسی متعدد اهمیتی بالعموم نقاطی احتوا ایدمه جک و شرکتک وضعیت حقیقیه سی حقنده واضح بر قناعت و فکر ویره بیله جک بر ماهیتده اوله جقدر .

ماده ۵ — قومیسرلر نزدلنده بولندقلری شرکتده تدقیقیله مکلف بولندقلری خصوصات شونلردر :

آ — شرکتک بدایت تشکلنده سرمایه شرکتده اشتراک طلبلرینک حقیقی اولوب اولمادیغنی، سرمایه شرکت مقابلنده اخراج اوله جق مجموع حصه لرک مواضعدن عاری اوله رق اشتراسنک تمهد ایدیلوب ایدلمدیکنک و نتایجنک بر راپورله ثبیتی ؛

ب — هیئت عمومیه اجتماعلرینک بولنله تقدم ایدن استحضاراتک میعاد قانونیسنده اجراسنه نظارتله حاضر بولندقلری هیئت عمومیه لرده اشکال و احکام قانونیه ایله شرکتک اساس مقاوله سی احکامنک تمامی اجراسنی مراقبه و بو احکامه منافی بر قرار اتخاذه نه محل ویرمه مک و موافق اولان مذاکرات ضبطلرینی امضا ایلک ؛

ج — هیئت عمومی لایحه ویریلن قرار لک تطبیق و انفاذ اولوب اولمادیغنی تدقیق ایتک؛
 ج — مجلس اداره اعضالریک خلاف قانون شرکتله معاملہ تجاربه یاپوب یا بامداد قلیری
 شرکتک توغل ایلدیکی معاملہ ایله مشغول دیگر شرکتلرده مجلس اداره اعضاسی صفیله
 وظیفه آلوب آلامد قلیری تدقیق و خلافی کوردیکی تقدیرده برضبط ورقه سیله تثبیت ایتک
 و شرکتک مراقب لری خبردار ایتک؛

د — پلانچوده کی ارقامک و قیمت لریک حقیقی اولوب اولمادیغنی و پلانچولرک تنظیمنده
 قانون تجارت ۳۲۸ نجی ماده سنک نظر دفته آلنوب آلامادیغنی تدقیق ایتک؛
 س — مجلس اداره قرار دفتریک تعریفات قانونیه موافق صورتده تنظیم ایدیلوب
 ایدلدیکی و مجلس اداره قرار لریک قانونک ۳۳۰ نجی ماده سنه کوره ویریلوب ویرلدیکی،
 ضبط لریک شکل تنظیمله امضاسی، ویریلن قرار لریک تجارت قانونک و کرک شرکتک اساس
 مقاله نامه سنک احکامی داخلنده اولوب اولمادیغنی و مجلس اداره اجتماع لریک میعادنده
 یاپیلوب یا بیلمادیغنی و مجلس اداره اعضالریک اجتماعلردن خبردار ایدیلوب ایدلدکلری
 تدقیق ایتک؛

ص — مجلس اداره اعضالریک قانوناً مسئولیت متسلله سنی موجب معاملاتک تحقیقی
 حالنده ضبط ورقه سی تنظیم و شرکت مراقب لریه کیفیتی بیلدیرمک؛
 ط — حصه سنداتی بدلاتک صورت مطالبه و تحصیلک تحویلات اخراجی و سرمایه سنک
 تزید و تنقیصی حاللرنده احکام قانونیه و نظامیه سنک ایفا ایدیلوب ایدلدیکی تدقیق ایتک؛
 ع — شرکتک مالی و تجاری و اقتصادی وضعیتلرنده کی تمو جائی تعقیب ایله قانون
 تجارتک ۴۴۲ نجی ماده سنده کوستریلن اسبابدن بریله معدل اولدیغنی تقدیرده کیفیتی
 باراپور بیلدیرمک؛

ف — شرکت حال تصفیهده بولندیغنی تقدیرده تصفییه معاملاتی تعقیب ایله هر اوج
 آیده بر معاملاتک طرز جریاتی راپورله بیلدیرمک؛
 ق — احتیاط آقچه سنک شرائط استثماری تدقیق ایدهرک اساس مقاله ده کی
 قیوده موافق صورتده اجرا ایدیلوب ایدلدیکی مراقبه ایتک؛

ک — تورکجه قانونک تمامی تطبیقی مراقبه ایتک؛
 ل — تجارت و کالتنجه معطی شرکتلرک امتیاز مقاله نامه سنک تمامی تطبیقی مراقبه؛

م — مأمورین و مستخدمینك صورت استخدامی و متخصص اوله رق استخدام اولانلر حقنده حكومتجه ویریلن مساعده داخلنده معامله یاپیلوب یاپیلما دیقنی مراقبه ایتمك.

ماده ۶ — قومیسرلر شرکت مراقبرینك وظیفه لرینی ایفا ایدوب ایتمدیكنی تدقیق ایله وظیفه لرینه مداخله ایتمك شرطیله و عندالاحاجه ایفای وظیفه ضمننده مراقبره تبلیغاتده بولمیه یلرلر و کیفیتدن وکالتی در حال خبردار ایدرلر.

ماده ۷ — قومیسرلر مجلس اداره دفترلرینی و قرارلرینی قانون و نظامه موافق اولوب اولمادقنی تبیت ایچون تدقیق ایده بیله جك ایسه ده مجلس اداره شرکتك معاملات داخلیه سی اعتباریله بعض قرارلرك افشاسندن شرکت منافعی نامنه بر محذور کوره رك بو قیل قرارلری موقتاً تدقیقندن صرف نظر ایدلمسی طلب اولنورسه قومیسر طرفندن طلب نظر دفته آله جقدر .

شو قدر وارکه بو قیل قرارلر بش آی مرورندن صکره قومیسره کوسرتمك لازمدر .
ماده ۸ — قومیسرلرك شرکتلر نزدنده کی وظائفی مراقبه دن عبارت اولوب اجرائی بر کونا صفت و صلاحیتلری یوقدر . قانونه و نظام اقتضاسنه توفیقاً حکومتجه توسل اوله جق اجرائی معاملات و تجارت قانونك صورت تطبیقی حقنده کی قانونك ۱۳ نجی ماده سی موجبجه استعمال ایدیله جك اقامه دعوی صلاحیتلری منطقه مدیریتلرینك قومیسر راپورینه مستداً اشعاراتی اوززینه تجارت وکالتنجه امر و اجرا اوله جقدر .

ماده ۹ — تجارت وکالتی مجلس اداره لرك عدم تشبث و یا امتناعی حالنده شرکتلرك سنه لك هیئت عمومیه لرینی و لزیم کورلدیکی حال و زمانلرده فوق العاده حصه داران هیئت عمومیه لرینی اجتماعه و بو اجتماعلرك روزنامه مذاکراتی تعیینه و ذاتاً اجتماعی مقرر هیئت عمومیه لرك روزنامه مذاکراته لزوم کوردیکی موادی ادخال ایتدیرمه صلاحیتداردر .
ماده ۱۰ — اشبو تعلیماتنامه احکامی اولجه تشکیل ایتمش بالعموم شرکتلر حقنده تطبیق اوله جقدر .

ماده ۱۱ — اشبو تعلیماتنامه ك سیغورطه شرکتلری حقنده موضوع احکام قانونیه و نظامیه یه مخالف اولمان احکامی سیغورطه شرکتلری حقنده تطبیق اولنور .
ماده ۱۲ — اشبو تعلیماتنامه ك اجرای احکامنه تجارت وکیلی مأموردر .